

ԵՆԹԱԿԱՌՈՒՅՑ

ՇԱՀԱԳՈՐԾՄԱՆ ՀԱՆՁՆՎԵՅ ԱՐԵՎԵԼԸ-ԱՐԵՎՍՈՒՏԸ
ՄԱՅՐՈՒՂՈՒ ՔԱՌԱԳՈՏԻ 27 ԿԻԼՈՄԵՏՐԱՆՈՅ ՌԻԿՈԹԻ
ՃԱՆԱՊԱՐՀԱՀԱՏՎԱԾԸ՝ 65 ԿԱՄՐՁՈՎ ՈՒ 38 ԹՈՒՆԵԼՈՎ

Հոկտեմբերի 28-ին բացվեց Արեւելք-արեւմուտք միջազգային մայրուղու (E-60) բաղկացուցիչ մասը կազմող Ռիկոթի արագընթաց մայրուղու 27 կիլոմետրանոց հատվածով երթևեկությունը:

Ճանապարհահատվածի բացմանը ելույթ ունեցան Վրաստանի վարչապետ Իրակլի Դարիբաշվիլին, տարածաշրջանային զարգացման եւ ենթակառուցների նախարար Իրակլի Քարսելաձեն, Վրաստանում Եվրամիության դեսպան Պավել Պերչինսկին, Եվրոպայի ներդրումային բանկի, Ասիայի զարգացման բանկի եւ Հարավային Կովկասում Համաշխարհային բանկի ներկայացուցիչները:

Իր խոսքում Վրաստանի վարչապետ Իրակլի Դարիբաշվիլին նշեց, որ 2013 թվականից հետո, ընդհանուր առմամբ, երկրում կառուցվել ու վերանորոգվել է 16 հազար կիլոմետր ճանապարհահատված: Այդ աշխատանքների համար ենթակառուցների նախարարության ճանապարհային դեպարտա-



մենտը ծախսել է ավելի քան 6 միլիարդ լարի: (Շարունակությունը՝ 2-րդ էջում)

ԷԿՈՆՈՄԻԿԱ

ՏՆՏԵՍԱԿԱՆ ԽՈՐՀՐԴԻ ՆԻՍՏՈՒՄ ՔՆՆԱՐԿՎԵՑԻՆ
2024 ԹՎԱԿԱՆԻ ԳԵՐԱԿԱ ՈՒՂՈՒԹՅՈՒՆՆԵՐԸ

Նոյեմբերի 2-ին, Վրաստանի վարչապետ Իրակլի Դարիբաշվիլու գլխավորությամբ, անցկացվեց տնտեսական խորհրդի նիստ:

Տնտեսական խորհրդի անդամները քննարկեցին 2024 թվականի պետական բյուջեի նախագծի վերանայված տարբերակով նախատեսված գերապահ ուղղությունները:

Նշվեց, որ 2024 թվականի բյուջեով կավելացվի սոցիալական ծրագրերի ֆինանսավորումը, ուսուցիչների եւ հանրային հատվածում աշխատողների

աշխատավարձը: Ընդգծվեց նաեւ, որ կարելու ֆինանսական միջոցներ են նախատեսված տնտեսական աճի խթանման համար: Խորհրդի անդամները քննարկեցին նաեւ ընթացիկ տարվա ինն ամիսների տնտեսական միտումները, բյուջեի կատարման արդյունքները եւ 2024 թվականի նոր նախագծերն ու տնտեսական նախաձեռնությունները:

ԿՐԹԱԿԱՆ

«ՈՒՍՈՒՑՉԻ ԱԶԳԱՅԻՆ ՏՈՆԸ» ՊՄԱԿՎԵՑ «ՈՒՍՈՒՑՉԻ ԱԶԳԱՅԻՆ ՄՐՑԱՆԱԿԻ» ՀԱՆՁՆՄԱՆ ԱՐԱՐՈՂՈՒԹՅԱՄԲ

ՆԻՆՈՏԻՆԴԱՅԻ ՌԵՎ 1 ՀԱՆՐԱՅԻՆ ԳԴՐՈՅԻ ՀԱՅՈՅ ԼԵԶՎԻ ԵՎ ԳՐԱԿԱՆՈՒԹՅԱՆ ՈՒՍՈՒՅՉՈՒՆԻ ԷՄԻՐԱ ՔՄՊՈՅԱՆԸ՝ «ՈՒՍՈՒՅՉԻ ԱԶԳԱՅԻՆ ՄՐՑԱՆԱԿԻ»

Հոկտեմբերի 27-ին, «Ուսուցչի ազգային տոնին», Թբիլիսիի Ջաքարիա Փալիաշվիլու անվան օպերայի եւ բալետի պետական ակադեմիական թատրոնում կայացավ Վրաստանի կրթության եւ գիտության նախարարության կազմակերպած «Ուսուցչի ազգային մրցանակի» հանձնման հանդիսավոր արարողությունը: Միջոցառմանը մասնակցեցին Վրաստանի վարչապետ Իրակլի Դարիբաշվիլին, կրթության եւ գիտության նախարար Գիորգի Ամիլախվարին:



Միջոցառմանը 11 ուսուցչի արժանացան «Ուսուցչի ազգային մրցանակի» անվանական կրծքանշանների եւ 10 հազարական լարիի:

«Ուսուցչի ազգային մրցանակի» դափնեկիրների թվում է Նինոծմինդա քաղաքի թիվ 1 հանրային դպրոցի հայոց լեզվի եւ գրականության ուսուցչուհի Էլմիրա Քսաթյանը, ում կրթության եւ գիտության նախարարը հանձնեց անվանական կրծքանշանն ու դրամապարգեւը:

(Շարունակությունը՝ 5-րդ էջում)

ԴԻՐՔՈՐՈՇՈՒՄ

ՆԻԿՈԼ ՓԱՇԻՆՅԱՆ. «ԿԱՐԵՎՈՐ Է ՀԱՐՈՒՆԱԿԵԼ ԽՈՐԱՅՆԵԼՈՒ ԲԱՐԵԿԱՄԱԿԱՆ, ԳՈՐԾԵՆԿԵՐԱՅԻՆ ՀԱՐԱԲԵՐՈՒԹՅՈՒՆՆԵՐԸ ՎՐԱՍՏԱՆԻ ՀԵՏ»

Հոկտեմբերի 30-ին, Հայաստանի վարչապետ Նիկոլ Փաշինյանը, համդես գալով Հայաստանի Ազգային ժողովում, խոսեց Վրաստանի հետ բարեկամական հարաբերությունների խորացման կարելիության մասին:



Նիկոլ Փաշինյանի խոսքով, Հայաստանն ունի չորս հարեւան եւ բոլոր հիմնական սպառնալիքներն ու հնարավորությունները նրանց հետ հարաբերություններում են: (Շարունակությունը՝ 7-րդ էջում)

ՇԱԼՎԱ ՊԱՊՈՒԱՇՎԻԼԻ. «ՄԵՐ ԳԼԽԱՎՈՐ ՆՊԱՏԱԿԸ ՀԱՅԱՍՏԱՆԻ ԵՎ ԱՂԲԵՋԱՆԻ ՄԻՋԵՎ ԽԱՂԱՂՈՒԹՅԱՆ ՀԱՍՏԱՏՈՒՄ Է»

Վրաստանի խորհրդարանի նախագահ Շալվա Պապուաշվիլու հավաստմամբ, Վրաստանի գլխավոր նպատակն ու խնդիրը Հայաստանի եւ Ադրբեջանի միջեւ խաղաղության հաստատումն է:



- Ուրախ եմ, որ այս առումով դրական տեղաշարժեր կան խաղաղության համաձայնագրի ստորագրման համար: Հույս ունեմ, որ դա հնարավորինս շուտ կիրականացվի, քանի որ մեր ընդհանուր շահերից է բխում մեր տարածաշրջանը դարձնել խաղաղության եւ անվտանգության տարածք,- Անգոլայում անցկացված միջխորհրդարանական միության 147-րդ վեհաժողովին ասաց Վրաստանի խորհրդարանի նախագահը եւ հավելեց, որ Վրաստանը միշտ եղել է մի երկիր, որը Հայաստանի եւ Ադրբեջանի բարեկամներին հնարավորություն է տվել հանդիպել առարկայական քննարկումների համար՝ պահպանելով չեզոքություն երկու երկրների նկատմամբ:

2024 ԹՎԱԿԱՆԻՆ ՈՒՍՈՒՑԻՉՆԵՐԻ ԱՇԽԱՏԱՎԱՐՁԸ ԿԱՎԵԼԱՆԱ 500 ԵՎ ԱՎԵԼԻ ԼԱՐԻՈՎ

Վրաստանի վարչապետ Իրակլի Դարիբաշվիլին, հանդես գալով «Ուսուցչի ազգային մրցանակի» շնորհման արարողությանը, հայտարարեց, որ 2024 թվականին կրթության նախարարությանը կհատկացվի լրացուցիչ կես միլիարդ լարի, որից 160 միլիոնը կուղղվի ուսուցիչների աշխատավարձի բարձրացմանը:



- «Ուսուցիչ» արտահայտությունն ինքնին հստակեցնում է, թե որքան մեծ նշանակություն, պատասխանատվություն եւ հարգանք է վայելում այն կրողը,- Իր ելույթում շեշտեց Վրաստանի վարչապետը, ուստի եւ հնարավորինս պետք է արվի նրանց հեղինակության բարձրացման համար: (Շարունակությունը՝ 5-րդ էջում)

ԵՆԹԱԿԱՌՈՒՅՑ

ՇԱՀԱԳՈՐԾՄԱՆ ՀԱՆՁՆՎԵՅՑ ԱՐԵՎԵԼՔ-ԱՐԵՎՍՈՒՏՔ ՄԱՅՐՈՒՂՈՒ ՔԱՌԱԳՈՏԻ 27 ԿԻԼՈՄԵՏՐԱՆՈՅ ՌԻԿՈԹԻ ՃԱՆԱՊԱՐՀԱՀԱՏՎԱԾԸ՝ 65 ԿԱՄՐՉՈՎ ՈՒ 38 ԹՈՒՆԵԼՈՎ

(Սկիզբը՝ 1-ին էջում)

Անդրադառնալով Ռիկոթի արագընթաց մայրուղու շինարարության թեմային՝ վարչապետը նշեց, որ Արևելք-արևմուտք մայրուղու 261 կիլոմետրանոց հատվածից 193-ը կառուցվել է 2012 թվականից հետո:

Ռիկոթի մայրուղու նոր քառագոտի 27 կիլոմետրանոց հատվածը սկսվում է Խարազաուլիի մունիցիպալիտետի Խելի գյուղից եւ ավարտվում է Ջեստափոնիի մունիցիպալիտետի Շորապանի ավանի մոտ: Խելի-Շորապանի ճանապարհահատվածը ներառում է 65 կամուրջ եւ 38 թունել:

Նոր ճանապարհահատվածը թույլ է տալիս Ռիկոթի-ով ուղեւորության հատվածը նվազեցնել 8 կիլոմետրով եւ ժամանակը՝ 25 րոպեով: Միաժամանակ, Խելի-Շորապանի ճանապարհահատվածում է գտնվում Վրաստանի ամենաերկար՝ 1362 մետրանոց, կամուրջը եւ ամենաերկար՝ 1640 մետրանոց թունելը:

Նոր ճանապարհին նախատեսված է ճանապարհային անվտանգության ամենաարդի չափորոշիչների այդ թվում՝ լուսավորության տեղադրում:

Ռիկոթի մայրուղու շինարարության նախագիծը, որն իրականացվում է բարդ ռելիեֆային տեղանքում, ինժեներական ծավալային որոշմամբ, ամենախաղաղ է Վրաստանում իրականացվող ենթակառուցային նախագծերի մեջ: Ռիկոթի նախագծի շրջանակներում, ընդհանուր առմամբ, կառուցվելու է 31 թունել եւ 97 կամուրջ: Ներկա դրությամբ, արդեն անց է կացվել 48 թունել եւ կառուցվել է 83 կա-

մուրջ, մնացած թունելներում եւ կամուրջների վրա շինարարական աշխատանքները շարունակվում են:

Ռիկոթի լեռնանցքի ճանապարհահատվածի շինարարությունը բաժանված է չորս հատվածի՝ Չունաթելթի-Խելի, Խելի-Ուլիսի, Ուլիսի-Շորապանի եւ Շորապանի-Արզվեթի:

Շինարարությունն իրականացվում է միջազգային ֆինանսական ինստիտուտների՝ Եվրոպայի ներդրումային բանկի (EIB), Համաշխարհային բանկի (WB) եւ Ասիայի զարգացման բանկի (ADB) աջակցությամբ: Շինարարական աշխատանքների ընդհանուր արժեքը կազմում է 2,6 միլիարդ լարի: Նախագիծը ծրագրված է ավարտել 2024 թվականին:

Նախագծի շրջանակներում, Սուրամիի, Շրոշանի-ի եւ Ջեստափոնիի մոտ, կառուցվելու են հատուկ տարածքներ, այսպես կոչված, առևտրաիրապարակներ, որտեղ բնակիչները, կարգավորված ենթակառուցների եւ ճանապարհային անվտանգության պայմաններում, կկարողանան իրացնել սեփական արտադրանքը:

Շինարարական աշխատանքներն իրականացնում են միջազգային ֆինանսական ինստիտուտների ընթացակարգերով անցկացված բաց մրցույթների հաղթող, չինական չորս տարբեր ընկերություններ: Շինարարական աշխատանքները վերահսկում են այդ ոլորտում տասնամյակների փորձ ունեցող, միջազգային վերահսկիչ ընկերություններ՝ Ֆրանսիայից, Թուրքիայից, Ավստրալիայից եւ Կանադայից: Ռիկոթի ճանապարհահատվածի վերահսկողության ոլորտում ներգրավված է 146 փոր-



ծառու մասնագետ, որից 99-ը տեղացիներ են, իսկ 47-ը՝ միջազգային փորձագետներ:

Ռիկոթի մայրուղու շինարարության վրա աշխատում է շուրջ 10 հազար մարդ, որի 70 տոկոսը Վրաստանի քաղաքացիներ են:

Նշենք, որ Արևելք-արևմուտք մայրուղու 60 տոկոսը (261 կիլոմետր) արդեն բացված է ավտոտրանսպորտի երթևեկության համար: Ներկա դրությամբ, շինարարական աշխատանքներ են իրականացվում մայրուղու 81 կիլոմետրանոց ճանապարհահատվածում:

ՄԻՄՈՆ ԿԻԼԱՇԵ

ՕՐԵՆԱԴՐԱԿԱՆ

ՎՐԱՍՏԱՆԻ ՔԱՂԱՔԱՑԻՈՒԹՅԱՆ ՄՏԱՑՄԱՆ ԿԱՐԳԸ ՊԱՐԶԵՑՎԵՑ

Նոյեմբերի 1-ին Վրաստանի խորհրդարանը, երրորդ ընթերցմամբ, 84 ձայնով, միաձայն ընդունեց «Վրաստանի քաղաքացիության մասին» օրգանական օրենքում փոփոխություններ, որի նպատակն է կատարելագործել եւ պարզեցնել քաղաքացիության կարգը:

Օրինագիծը խորհրդարանի քննարկմանն էր ներկայացրել երկրի արդարադատության նախարարությունը, որի տեղեկատվությամբ՝ պատասխանած օրենքի նպատակն է՝ նպաստել արտերկրում ապրող հայրենակիցների՝ հայրենիքի հետ սերտ կապերի պահպանմանն ու զարգացմանը:

Վրաստանի նախագահի կողմից օրինագիծը ստորագրելուց հետո՝ Վրաստանում 5 եւ ավելի տարի օրինական բնակություն հաստատած անձինք, այլ պայմանների առկայության դեպքում, կկարողանան քաղաքացիություն ստանալ: Մինչ այժմ օրենքը պահանջում էր երկրում ապրել 10 տարի եւ ավելի:

Քաղաքացիություն ստանալ ցանկացող անձանց համար, սակայն, պարտադիր է Վրաստանի պետական լեզվի, Վրաստանի պատմության եւ իրավունքի հիմնարար հիմունքների իմացության մակարդակի իմացությունը:

Վրաստանի քաղաքացիություն ստանալ ցանկացող անձը պետք է հանձնի քննություն՝ նախքան պետական ծառայությունների զարգացման գործակալություն քաղաքացիություն տրամադրելու դիմում ներկայացնելը: Անբավարար արդյունքի դեպքում՝ գերատեսչությունը այլեւս չի սկսի քաղաքացիու-

թյան տրամադրման պաշտոնական ընթացակարգերը՝ այդպիսով խնայելով ինչպես քաղաքացիների, այնպես էլ՝ գերատեսչության ժամանակն ու ռեսուրսները:

Քննությանը ձախողվելու դեպքում, անձը իրավունք կունենա վերահանձնել քննությունը՝ առանց սահմանափակման: Երբ քննությունն ավարտվի, դրա արդյունքները կգործեն մեկ տարի:

Վրաստանի քաղաքացիություն ստանալու դիմումի վերաբերյալ վերջնական բացասական որոշման դեպքում՝ քաղաքացիության տրամադրման ընթացակարգի վերսկսման ժամկետը մեկ տարուց կնվազի մինչեւ վեց ամիս:

Քաղաքացիություն չունեցող անձանց քաղաքացիություն ստանալու համար, Վրաստանում բնակության տասնամյա ժամկետը կնվազի մինչեւ հինգ տարի, դրանով իսկ ամբողջությամբ կատարելով ՄԱԿ-ի փախստականների հարցերով գերագույն հանձնակատարի առջեւ ստանձնած պարտավորությունը:



ԿԱԽՆ ԱՐԲՈՒՅԻՁԵ. «ՔԱՂԱՔԱՊԵՏԱՐԱՆԻ ԿՈՂՄԻՑ ՖԻՆԱՆՍԱՎՈՐՎԵԼ ԵՆ ԱԶԳԱՅԻՆ ՓՈՔՐԱՄԱՍՆՈՒԹՅԱՆ ԿԱԶՄԱԿԵՐՊՈՒԹՅՈՒՆՆԵՐԻ ՄԵԿ ՏԱՍՆՅԱԿԻՑ ԱՎԵԼԻ ՆԱԽԱԳԾԵՐ»

ՆԵՐԿԱՅԱՅՎԵՅ ԹԲԻԼԻՍԻ ՍԱԿՐԵԲՈՒՈՅԻ ԿՐԹՈՒԹՅԱՆ ԵՎ ՄՇԱԿՈՒՅԹԻ ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ՄԵԿԱՄՅԱ ՀԱՇՎԵՏՎՈՒԹՅՈՒՆԸ

Յոկտեմբերի 30-ին, Թբիլիսիի մունիցիպալիտետի սակրեբուլոյի կրթության եւ մշակույթի հանձնաժողովի նախագահ, սակրեբուլոյում Իսանիի շրջանից մեծամասնական պատգամավոր Կախա Լաբուչիձեն ելույթ ունեցավ Վրաստանի ազգային համալսարանում՝ սակրեբուլոյում մեկամյա գործունեության հաշվետվությամբ:

Կախա Լաբուչիձեն իր հաշվետվության մեջ առանձնակի ուշադրություն է բերել՝ որպես Իսանիի շրջանից մեծամասնական պատգամավոր, իրականացրած աշխատանքի վրա: Մասնավորապես, նրա նախաձեռնությամբ մունիցիպալիտետում իրականացվել է 7 մշակակալի նախագիծ: Մասնավորապես, Թբիլիսիի սակրեբուլոյում բացվեց խամաճիկների թանգարան, անցկացվեց մանկական ազգագրական փառատոն, սահմանվեց «Տարվա ընթերցող» մրցույթը: Սակրեբուլոյի կրթության եւ մշակույթի հանձնաժողովի նախաձեռնությամբ, քննարկվել է հանրաճանաչ թբիլիսցիներ Գիա Ղանջելու, Ջենալ Ցերցվաձեի, Արամ Խաչատրյանի, Ալբերտ Թավադիձեի եւ

մյուսների հուշատախտակ ստեղծելու առաջարկությունը:

Կախա Լաբուչիձեի հայտարարությամբ, առաջադեմ ուսանողների ֆինանսավորման ծրագրի շրջանակներում, 2023 թվականին ֆինանսավորվել է 1256 սոցիալապես կարիքավոր ուսանող, 412 մագիստրոս, միջոցներ են հատկացվել նաեւ բազմազավակ եւ սահմանափակ հնարավորություններ ունեցող ուսանողներին: Մասնավորապես, Թբիլիսիի քաղաքապետարանի կրթաթոշակ է տրվել նման 740 շահառուի: Բացի այդ, մայրաքաղաքում ֆինանսավորվել է մշակույթի եւ կրթության ոլորտում իրականացվող շուրջ 180 նախագիծ, անց է կաց-



վել 35 հոբելյանական եւ ստեղծագործական երեկո, 35 փառատոն եւ մրցույթ: Ֆինանսավորվել են նաեւ ազգային փոքրամասնության ներկայացուցիչների կազմակերպությունների կողմից անցկացված 10 նախագծերը, ցուցահանդեսներն ու համերգները:

ԱՐԵՎԻԿ ԿԱՆՈՒԿՅԱՆ

ԻՍՐԱՅԵԼ- ՀԱՄԱՍ ԻՍՐԱՅԵԼԻ ՑԱՄԱՔԱՅԻՆ ԳՈՐԾՈՂՈՒԹՅՈՒՆՆԵՐԸ ԳԱԶԱՅՈՒՄ

Յոկտեմբերի 27-ին, Իսրայելը ցամաքային գործողություն սկսեց Գազայում եւ շրջակայքում է քաղաքը:

Գազայի առողջապահական մարմինները հայտնել են, որ հակամարտության սրացման վերջին շաբաթների ընթացքում սպանվել է առնվազն 9061 մարդ: Իսրայելը հայտնել է, որ հոկտեմբերի 7-ին ՀԱՄԱՍ-ի հարձակման հետեւանքով իսրայելական կողմում սպանվել է 1400 մարդ, այդ թվում 338 զինվոր: Ավելի քան 240 մարդ գերի է վերցվել ՀԱՄԱՍ-ի կողմից:

ՄԱԿ-Ի ԳԼԽԱՎՈՐ ԱՍԱՐԲԵԼԱՆ ԸՆԴՈՒՆԵԼ Է ԻՍՐԱՅԵԼԻՆ ՊԱՏԱՊԱՐՏՈՂ ԲԱՆԱԶԵՎ

ՄԱԿ-ի Գլխավոր ասամբլեան՝ 120 կողմ, 14 դեմ ձայներով, բանաձեւ է ընդունել՝ Գազայի հատվածում «ամհապաղ, տեսական եւ կայուն մարդասիրական հրադադարի» մասին: Այս բանաձեւի նախաձեռնողը Յորդանանն է:

Նշենք, որ փաստաթղթում ընդհանրապես չի հիշատակվում ՀԱՄԱՍ շարժման մասին, որը դժգոհություն ու բողոք է առաջացրել Իսրայելում:

Բանաձեւի կողմնակիցներն են Չինաստանը, Իրանը, Սաուդյան Արաբիան, Ռուսաստանը, Ֆրանսիան, Բելգիան, Պորտուգալիան, Իսպանիան, Հայաստանը, Ադրբեջանը:

Բանաձեւին չաջակցած 14 երկրների թվում են ԱՄՆ-ը, Իսրայելը, Հունգարիան, Ավստրիան, Չեխիան, Խորվաթիան:

Չեռնոպահ են մնացել 45 երկրներ, այդ թվում՝ Հնդկաստանը, Կանադան, Ավստրալիան, Գերմանիան, Մեծ Բրիտանիան, Նիդերլանդները, Ուկրաինան, Մոլդովան եւ Վրաստանը:

ՌՈՒՍԱՍՏԱՆ ՀԱՎԱՅՐԵԱԿԱՆ ԳՈՐԾՈՂՈՒԹՅՈՒՆ՝ ՄԱԽԱԶԿԱԼԱՅՈՒՄ

Յոկտեմբերի 29-ին Դադստանի մայրաքաղաք Մախաչկալայի օդակայանը փակվել էր՝ համալիրի շենք եւ թռիչքուղու շուրջ հազար մարդկանց ապօրինի ներխուժման պատճառով: Նրանք հայտարարել են, որ սատարում են Գազայի պաղեստինցիներին եւ բողոք են հայտնել՝ Թեյ Ավիլից Մախաչկալա ուղեւորատար ինքնաթիռի ժամանման դեմ:

Տեղի ունեցած միջադեպի հետեւանքով տուժել է ավելի քան 20 մարդ, այդ թվում՝ ռուսականներ եւ քաղաքացիական անձինք: Միջադեպի 60 մասնակիցներ ձերբակալվել են:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՏԱՐԱԾԱՆԵՐԱՆ

ՍԽԱԼՔԱԼԱՔԻ. ՍԱԿՐԵՔՈՒՈՆ ՆԵՐԿԱՅԱՅՐԵՅՏԱՐԵԿԱՆ ՀԱՇՎԵՏՎՈՒԹՅՈՒՆԸ



Նոյեմբերի 1-ին, Ախալքալաքի մունիցիպալիտետի սակրեքուլոյի նախագահ Նաիրի Իրիցյանը ներկայացրեց սակրեքուլոյի գործունեության մեկ տարվա արդյունքները:

- Մեկ տարվա ընթացքում՝ 2023-ի նոյեմբերից մինչև 2024-ի նոյեմբերը, անց ենթ կացրել սակրեքուլոյի բյուրոյի 15 միստ, ընդունել ենք 26 նորմատիվ ակտ, 38 կարգադրություն, 98 հրամանագիր:

- Մենք աշխատում ենք տեղական իշխանությունների հետ, գյուղացիներ ենք ուղարկել երկրի մասն տարբեր նախարարություններ, դեսպանատներ, նահանգապետարան: Հանդիպել ենք բնակչության, դպրոցականների հետ, մենք պատմել ենք նրանց, թե ինչպես են աշխատում քաղաքապետարանը, սակրեքուլոն,- նշեց Նաիրի Իրիցյանը:

Հաշվետվություններով հանդես եկան մասն 4 հանձնաժողովների ղեկավարներ:

Հաշվետվության ներկայացմանը ներկա էին Ախալքալաքի մունիցիպալիտետի քաղաքապետ Սելբոն Սակարյանը, քաղաքապետարանի ներկայացուցիչներ, սակրեքուլոյի պատգամավորներ, ինչպես մասն հասարակական կազմակերպությունների եւ տեղական լրատվամիջոցների ներկայացուցիչներ:

ՆԻՆՈՇՄԻՆԴԱ. ԱՆՅԿԱՅՎԵՅ «ԱԶԳԱՅԻՆ ՈՒՏԵՍ» ՓԱՌԱՏՈՆԸ

Նինոծմինդա քաղաքի Մշակույթի տանը Նինոծմինդայի մունիցիպալիտետի քաղաքապետարանի մշակույթի, կրթության, սպորտի, հուշարձանների պահպանության, երիտասարդների հարցերի եւ տուրիզմի զարգացման ծառայությունը անցկացրեց «Ազգային ուտեստ» փառատոնը:

Փառատոնի շրջանակներում՝ ներկայացված էին հայկական եւ վրացական ավանդական ուտեստներ:

Փառատոնին մասնակցեց Նինոծմինդայի մունիցիպալիտետի քաղաքապետ Անի Մոսոյանը:

ԳՅՈՒԼՍԹԵՐՔՆԵՐԻ ԻՆՔՆԱՐԺԵՐԸ ՄԵԾԱՆՈՒՄ Է, ԻՍԿ ԻՐԱՅՄԱՆ ԳԻՆԸ՝ ՆՎԱԶՈՒՄ

Նինոծմինդայի մունիցիպալիտետում գյուղատնտեսությունը տեղի բնակչության եկամտի հիմնական աղբյուրներից է, թեպետ վերջին տարիներին ստեղծվել է իրավիճակ, երբ գյուղատնտեսական ծառայությունների գներն ավելանում են, իսկ արտադրանքի գները՝ նվազում, ինչի արդյունքում շատերը իրաժարվում են գյուղատնտեսության բիզնեսից:

Բնակիչների կարծիքով, թանկացման գործընթացում մեծ դեր ունի դիզվառելիքի գինը: Վառելիքի թանկացման հետ մեկտեղ, բարձրանում են մասն մի շարք ծառայությունների, այդ թվում՝ հողի մշակման գները: Գների վրա ազդում են մասն թանկարժեք պահեստամասերը:

Նինոծմինդայի բնակիչների որոշակի մասը գտնում է, որ իմաստ չունի այդքան ջանք ու գումար ներդնել մի բիզնեսում, որը բավարար արդյունք չի տալիս: Հողերի մշակման գները շատ բարձր են եւ տարեցտարի ավելանում են: Եթե դիզվառելիքը թանկանում է, անմիջապես թանկանում են մասն ծառայությունների գները, բայց երբ դիզվառելիքի գինը նվազում է, ծառայությունների գները չեն նվազում, մնում են նույնը:

Ինչպես նշում են մասնագետները, եթե նախորդ տարի հողի մշակումն արժեք 2,50-3 լարի, ապա այս տարի՝ 3,50-ից 4 լարի: Սա ցույց է տալիս, որ վերահսկողություն չկա, եւ ամեն մեկն իր ուզած գինն է դնում: 1 լիտր կաթն այժմ արժե 1-1,20 լարի, կարտոֆիլի գինը՝ 50-60 թեթրի, իսկ գարին ու ցորենը՝ 60 թեթրի:

Մասնագետների կարծիքով, այժմ կապ չունի՝ վառելիքը կեժանանա, թե ոչ, ծառայությունների գները շարունակում են մնալ նույնը, իսկ գյուղմթերքների գները նվազում են:

ՍԽԱԼՅԻՒՆ. «ՔԱՂԱՔԱՊԵՏԱՐԱՆԸ ՆԵՐԿԱՅԱՅՐԵՅՏ ԱՇԽԱՏԱՆՔՆԵՐԻ ՀԱՇՎԵՏՎՈՒԹՅՈՒՆԸ»

Նոյեմբերի 1-ին, Ախալցխայի «Ժողովրդավարական ներգրավման կենտրոնների ցանց» գրասեն-



յակում, մունիցիպալիտետի քաղաքապետ Իրակլի Լազարաշվիլին, փոխքաղաքապետեր Ռուբեն Կառապետյանի եւ Իլյա Ջարդիաշվիլու հետ միասին, հանդիպում ունեցավ քաղաքացիական հատվածի, լրատվամիջոցների եւ հանրության ներկայացուցիչների հետ:

Քաղաքապետարանի ղեկավարությունը ներկայացրեց իրականացված աշխատանքի հաշվետվությունը, ներկայացրեց տեղեկատվություն՝ առաջիկա ծրագրերի ու նորամուծությունների մասին:



Մասնավորապես խոսեցին ճանապարհային ենթակառուցների կարգավորման, խմելու եւ ոռոգման ջրերի համակարգերի, բազմաբնակարան շենքերի ճակատների ու մուտքերի վերանորոգման, «Գյուղի աջակցությանը» ծրագրի շրջանակներում իրականացվող նախագծերի, քաղաքապետարանի կողմից գործարկված սոցիալական եւ առողջապահության նախագծերի մասին:

Հանդիպման մասնակիցները, տեղի ինքնակառավարման մարմնի ներկայացուցիչների հետ միասին, քննարկեցին մունիցիպալիտետի առջեւ ծառացած խնդիրներն ու դրանց կարգավորման ուղիները:

ՄԱՌՆԵՈՒԻ. ԱՆՅԿԱՅՎԵՅ «ՇԻՆ» ԲԱԶՄԱԶԳ ՓԱՌԱՏՈՆԸ

Նոյեմբերի 3-ին, Մառնեուլի քաղաքում անցկացվեց «Շին» բազմազգ փառատոնը: Այն կազմակերպեց Մառնեուլիի մշակույթի կենտրոնի հայտարարած մրցույթի հաղթող «Ջիթի Հոլդինգ» ՍՊԸ-ը: Միջոցառման համար Մառնեուլիի բյուջեից ծախսվել է 85 հազար լարի:

Կազմակերպիչների հավաստմամբ՝ «Շին»-ը գործող փառատոններից տարբերվող մշակութային-ստեղծագործական միջոցառում է, որն անցկացվեց քաղաքապետարանում ապրող եթնիկ խմբերի ինքնության տարրերի պահպանման, զարգացման եւ հանրահռչակման գաղափարով՝ լեզուն, ավանդույթները, ստեղծագործական յուրահատկությունները, մշակութային ժառանգությունը: Փառատոնի նպատակն էր՝ խթանել եթնիկ խմբերին փոխըմբռնման/վստահության կամուրջներ կառուցել միմյանց միջեւ՝ մշակութային երկխոսության միջոցով:

Պատրաստեց ԱՐԵՎԻԿ ՄԱՌՈՒԿՅԱՆԸ

ՀԻՄՆԱՆԴԻՐ

ԲԵՆՉԻՆԻ ԹԱՆԿԱՅՄԱՆ ԺԱՄԱՆԱԿԱՆՏՎԱԾՆ ԱՎԱՐՏՎԵՅ. ԵՐԲ ԿՍԿՍՎԻ ԷԺԱՆԱՅՈՒՄԸ

Նավթամթերքի համաշխարհային շուկայում վառելանյութի թանկացման միտումը փոխվեց՝ վերջին ժամանակահատվածում վավերացվել է վառելանյութի գնի գրեթե 10 տոկոսի նվազեցում:

Միջազգային շուկայում ստեղծված իրավիճակը թույլ է տալիս հուսալ, որ Վրաստանում նույնպես վառելանյութի թանկացումը կդադարեցվի, թեպետ, փորձագետների հավաստմամբ, նվազեցման հավանականությունը, համեմայնդեպս, ներկա փուլում, աննշան է: Նրանք գտնում են, որ ներկա պայմաններում նշանակալից է գլոբալ ծավալով պահպանվի նավթամթերքի նվազեցման միտումը, միայն այդ դեպքում՝ Վրաստանում վառելանյութի գնի նվազեցման հավանականությունը կնեծանա:

Նշենք, որ համաշխարհային շուկայում 1 բարել նավթամթերքը վաճառվում է 88 դոլարի շրջանակներում: Մեկ տոննա բենզինի միջազգային գինը կազմում է 803 դոլար, իսկ դիզել-

լային վառելանյութինը՝ 865 դոլար:

Նավթամթերքի միջազգային շուկայում կայունության վերականգնումը հնարավորություն է ընձեռում Վրաստանում կարգավորել վառելանյութի ներկրման գործընթացը: Այն, որ տեղական շուկայում եւս վառելանյութի թանկացման գործընթացը դադարեցվել է, վկայում են մասն տեղական կազմակերպությունները: Այդ ոլորտում գործող կազմակերպությունների հավաստմամբ, ներկա դրությամբ, նշանակալի է այն, թե վրաց ներկրողները որքան արագ կկարողանան կարգավորել երկրի տարածք վառելանյութի ներկրման գործընթացը, միայն այդ դեպքում հնարավոր կլինի ծրագրել տեղական շուկայում վառելանյութի գնի նվազեցումը:

ՆՈՐ ՄԵԱՎՈՒԹԱՅԻՆ ՕԶԱՆ

ԹԲԻԼԻՍԻՈՒՄ ԴՐՎԵՑ ԱԴՐԲԵԶԱՆԱԿԱՆ ՊԵՏԱԿԱՆ ԴՐԱՄԱՏԻԿԱԿԱՆ ԹԱՏՐՈՆԻ ՀԻՄՆԱՐԿԵՔԸ

Հոկտեմբերի 29-ին, Վրաստանի եւ Ադրբեջանի վարչապետեր Իրակլի Դարիբաշվիլու եւ Ալի Ասադովի մասնակցությամբ, կայացավ Հեյդար Ալիևի անվան Թբիլիսիի ադրբեջանական պրոֆեսիոնալ պետական դրամատիկական թատրոնի շինարարության մեկնարկի արարողությունը: 2565 քառ. մետր տարածքի վրա շենքը կառուցվելու է Գորգասալիի պողոտայի վրա, Վրաստանում Ադրբեջանի դեսպանատան հարեւանությամբ:

Թբիլիսիում ադրբեջանական թատրոնը հիմնադրվել է 1909 թվականին: 1922 թվականին թատրոնին շնորհվել է պետական կարգավիճակ եւ այն գործել է մինչև 1947 թվականը: 2004 թվականից թատրոնը կրում է Ադրբեջանի նախկին

նախագահ Հեյդար Ալիևի անունը:

- Այսօր դրվեց թատրոնի շենքի նոր, ժամանակակից շինարարության հիմքը ու շատ շուտով մեր մայրաքաղաքին կավելանա եւս մեկ տեսարժան վայր,- հանդես գալով արարողության

նը՝ ասաց Վրաստանի վարչապետը եւ հավելեց, որ Թբիլիսիի ադրբեջանական պետական պրոֆեսիոնալ դրամատիկական թատրոնի ժամանակակից ոճով վերածնունդը պատմական իրադարձություն է:

ՄՊԱՌՈՂԱԿԱՆ ՎԱՐԿԵՐԸ՝ ՉՈՐՍ ՏՈԿՈՍՈՎ	
Վրաստանի Ազգային բանկի որոշմամբ՝ Նոյեմբերի 1-ից, քաղաքացիները կարող են սպառողական վարկ վերցնել 4 տարով:	
«Հաշվի առնելով, որ 2022 թվականին գրանցված առանց գրավի սպառողական վարկերի աճի բարձր տեմպերը կրճատվում են, իսկ ակտիվությունը մնում է կայուն մակարդակի վրա, այս տարվա Նոյեմբերի 1-ից այս տեսակի վարկերի առավելագույն ժամկետի սահմանաչափը 3 տարուց կբարձրացվի 4 տարի», - ասված է Ազգային բանկի հաղորդագրության մեջ:	
ՈՒԿՐԱԻՆԱՅՈՒՄ ՋՈՂՎԱԾ ՎՐԱՑԻՆԵՐԻ ԹԻՎԸ ՀԱՍՆՎ 50-Ի	
Ուկրաինայում ընթացող պատերազմում եւս մեկ վրացի մարտիկ է զոհվել:	
2022 թվականի փետրվարի 24-ից հետո, Ռուսաստանի Ուկրաինայի հետ սկսված պատերազմի մարտերում զոհվել է մոտ 50 վրացի մարտիկ:	
ՏԱՐԱԴՐԱՄԻ ՓՈԽԱՆԱԿԱՄԱՆ ԿՈՒՐՍԸ (3 ՆՈՅԵՄԲԵՐԻ)	
Ազգային բանկի կողմից սահմանվել է տարադրամի հետեւյալ կուրսը.	
Տարադրամ	Լարի
1 ԱՄՆ ԴՈԼԱՐ	2.7152
1 ԵՎՐՈ	2.8865
100 ՌՈՒՐԼԻ	2.9085
1000 ԴՐԱՄ	6.7500

ԱՌՈՂՋԱՊԱՐՈՒԹՅՈՒՆ

ՈՒՌՈՒՅՔԱՐԱՆԱԿԱՆ ՎԻՐԱԲՈՒԺՈՒԹՅՈՒՆԸ
ԲՈԼՈՐ ՀԻՎԱՆՂՆԵՐԻ ՀԱՄԱՐ
ԿՖԻՆԱՆՍԱՎՈՐՎԻ ՊԵՏԲՅՈՒՑԵԻՅ

Վրաստանի կառավարությունը մշակել է օրինադրական գիծ, ըստ որի՝ կֆինանսավորվեն ուռուցքաբանական վիրաբուժությունը, ուռուցքաբանական՝ պլանային եւ անհետաձգելի վիրահատությունները: Ֆինանսավորումը կտարածվի ոչ միայն բյուջետային միջոցներով ապահովագրված անձանց վրա, այլև բոլոր ուռուցքաբանական հիվանդների, այդ թվում՝ վետերանների եւ տարեկան 40 000 լարիից ավելի եկամուտ ունեցող հիվանդների:

Նշենք, որ ընթացիկ տարվա օգոստոսի ամսին կայացրած որոշմամբ՝ երկրի բոլոր ուռուցքաբանական հիվանդները չեն ֆինանսավորվել քիմիա(հորմոնային)ճառագայթային թերապիայով եւ դեղամիջոցներով: Վրաստանի կառավարության կողմից հաստատված փոփոխության համաձայն, քաղաքացիներին հավասարապես հասանելի կլինեն քիմիա(հորմոնային)ճառագայթային թերապիայի եւ դեղամիջոցների, ինչպես նաեւ ուռուցքաբանական վիրաբուժության ֆինանսավորումը: Համաձայն այս որոշման, համընդհանուր առողջապահական ծրագրի շրջանակներում, յուրաքանչյուր շահառուի համար, անկախ եկամտից, հավասարապես հասանելի կլինի ուռուցքաբանական հիվանդությունների բուժումը:

ՄԻՆԶԵԿ ՆՈՅԵՄԲԵՐԻ 15-Ը՝ ԲՈԼՈՐԻ ՀԱՄԱՐ
ՍԵՋՈՆԱՅԻՆ ԳՐԻՊԻ ԴԵՄ ՊԱՏՎԱՍՏՈՒՄՆ ԱՆԿՃԱՐ Է

Վրաստանի փախստականների, աշխատանքի, առողջապահության եւ սոցիալական պաշտպանության նախարարության հայտարարությամբ, մինչեւ նոյեմբերի 15-ը՝ բոլորի համար սեզոնային գրիպի դեմ պատվաստումն անվճար է լինելու:

Պատվաստումները, ինունականխարգելման պետական ծրագրի շրջանակներում, հնարավոր կլինի «Abbott Biologicals B.V.» ընկերության կողմից արտադրված քառաբաղադրիչ պատվաստանյութով: Պատվաստանյութը հարմարեցված է այն շտամներին, որոնք ակնկալվում է, որ կշրջանառվեն գրիպի սեզոնի ընթացքում: Պատվաստումը հնարավոր է վեց ամսականից: Պատվաստման ծառայությունը անվճար է ցանկացած բժշկական հաստատությունում:

ՀԱՅՏԱՐԱՐՈՒԹՅՈՒՆ

ԳՈՐԾԱՐԱՐՈՒԹՅԱՆ ԳՈՐԾՆԱԿԱՆ ԴԱՍԸՆԹԱՑ

Մրցույթ՝ բաժանման գծի երկայնքով ապրող, հակամարտության արդյունքում տուժած եւ ազգային փոքրամասնությունների ներկայացուցիչ կանանց համար:

Վրաստանի հաշտեցման եւ քաղաքացիական իրավահավասարության հարցերի պետական նախարարի աշխատակազմը, ֆինանսների նախարարության ՀԻԻ-Ա-ի ակադեմիայի համագործակցությամբ, հայտարարում է «Գործարարության գործնական դասընթաց, ինչպես սկսել բիզնեսը» ուսումնական վարժանք մրցույթի մասնակիցների ընդունելությունը՝ բաժանման գծին հարակից գյուղերի բնակիչների, հակամարտության արդյունքում տուժած կանանց եւ ազգային փոքրամասնությունների ներկայացուցիչ կանանց համար:

Ուսումնական վարժանքի նպատակը գործարարության վերաբերյալ տեսական գիտելիքների մատուցումը եւ բիզնեսն սկսելու գործնական ունակությունների ուժեղացումն է, եւ ներառում է ինչպես ինտերակտիվ դասախոսություններ, այնպես էլ՝ գործնական վարժություններ:

Ուսումնական վարժանքը նախատեսված է արդեն 18 տարեկան դարձած անձանց համար, ովքեր ցանկանում են սկսել-ընդլայնել գործարարությունը, ունեն բիզնես գաղափարներ կամ գործարարության ոլորտում ունակությունների զարգացման ցանկություն:

Ուսումնական վարժանքին կարող են մասնակցել. * Գորիի, Կասպիի, Քարելիի, Խաշուրիի, Սաչխերեի, Դուշեթիի, Մեստիայի, Օնիի, Ջուգոփիի եւ Ծալենջիխայի մունիցիպալիտետների գյուղերի բնակիչներ, հակամարտության արդյունքում տուժված կանայք:

* Քվեմո Քարթլիում, Սամցխե-Ջավախեթիում եւ Կախեթիում ապրող ազգային փոքրամասնությունների ներկայացուցիչ կանայք:

Վարժանք դասընթացը ներառում է հետեւյալ թեմաները.

- * Բիզնեսի բովանդակություն եւ դրա ծրագրում
- * Բիզնես գաղափարի մշակում
- * Բիզնեսի եւ արտադրանքի զարգացման փուլերը
- * Բիզնեսի անվանման ընտրություն
- * Բիզնեսի վերլուծություն
- * Բիզնես-մոդելի ընտրություն
- * Շահույթի եւ գրոյական կետի հաշվարկում



* Ստաբիլ բյուջե եւ ֆինանսավորման աղբյուրներ:
Վարժանք դասընթացի տեղությունը 22 ժամ է: Ժամանակահատվածը - նոյեմբերի 20-դեկտեմբերի 8:

Աշխատանքային լեզուն՝ վրացերեն:
Վարժանք դասընթացը կանցկացվի հեռավար կարգով եւ նրան, ընդհանուր առմամբ, կմասնակցի 14 ունկնդիր:

Դասընթացին մասնակցելը անվճար է:
Մրցույթի մասնակիցների ընտրությունը կիրականացվի երկու փուլով.

Առաջին փուլին ունկնդիրները պետք է ուղարկեն իրենց հակիրճ կենսագրությունը (CV) եւ շարժառիթային նամակը (վարժանք դասընթացին մասնակցելու նպատակը եւ առկայության դեպքում՝ բիզնես գաղափարի հակիրճ նկարագիրը):

Երկրորդ փուլին ընտրված թեկնածուները կանցնեն հարցազրույց՝ հեռավար կարգով:

Կենսագրությունը եւ շարժառիթային նամակը պետք է ուղարկվել հետեւյալ էլեկտրոնային հասցեով՝ press@smr.gov.ge (խնդրում ենք վերնագրում (subject) նշել դասընթացի անվանումը՝ «Ինչպես սկսել եւ զարգացնել բիզնեսը»):

Լրացուցիչ հարցերի դեպքում՝ կոնտակտային անձը Լալի Դելիձեն է (577527799, L.devidze@smr.gov.ge):

Հայտերի ընդունման վերջնաժամկետը 2023 թվականի նոյեմբերի 14-ն է:

Աղբյուր՝ <http://smr.gov.ge/ge/news/read/2407/newarmeobis-praqtikuli-kursi>

ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ



ԸՆԹԱՑՔԻ ՄԵՋ Է «ՆՈՐ ՀԱՄԱԿԱՐԳԶԱՑՎԱԾ ՏԱՐԱՆՑԻԿՈՒԹՅԱՆ ՀԱՄԱԿԱՐԳ»
(NCTS) ՆԱԽԱԳԻԾԸ

Վրաստանի եւ Եվրամիության միջեւ ձեւավորված «Խոր եւ համընդհանուր ազատ առևտրական գոտու մասին» համաձայնագրի (DCFTA) շրջանակներում նախատեսված են որոշ պարտավորություններ: Մասնավորապես՝ «Տարանցիկության միջազգային ընթացակարգերի մասին» (CTC), «Միասնական վարչարարական փաստաթղթի (SAD) հիմնադրույթին միանալու «Նոր համակարգչացված տարանցիկային համակարգի» (NCTS) իրականացման պատրաստականության գնահատման նպատակով, Վրաստանի ֆինանսների նախարարության եկամուտների ծառայությունը հյուրընկալեց Եվրամիության հարկային եւ մաքսային միավորման տնօրինության ներկայացուցիչների պատվիրակությանը:

Առաքելության կազմում Ավստրիայի, Նիդերլանդների, Լատվիայի, Չեխիայի եւ Թուրքիայի մաքսային-հարկային վարչարարության ներկայացուցիչները աշխատանքային հանդիպումներ անցկացրին մաքսային դեպարտամենտի պետ Ջուրաբ Սիճինավայի եւ գերատեսչության մյուս ղեկավարածնների ղեկավարների հետ: Հանդիպմանը եկամուտների ծառայության ներկայացուցիչները պատվիրակության անդամներին ներկայացրին ընդլայնված շնորհանդես՝ նախագծի իրականացման նպատակով, ծառայությունում իրականացված միջոցառումների վերաբերյալ եւ պատասխանեցին առաջադրված հարցերին: Միաժամանակ, տեղեկատվական բնույթի հանդիպումների շրջանակներում, Եվրահանձնաժողովի անդամները բիզնես հատվածի ներկայացուցիչներին ներկայացրին «Նոր համակարգչացված տարանցիկային համակարգի» (NCTS) նախագիծը, իրենց երկրում այդ ուղղությամբ ձեռք բերած փորձը ու նախագծի նշանակությունը:

Հատկանշական է, որ վերոնշյալ նախագծի ավարտից հետո, հնարավոր կլինի



Վրաստանի մաքսային վարչությունում ներկայացրած տարանցիկային մեկ հայտագրով եւ մեկ երաշխավորագրով իրականացնել բեռնափոխադրումը Եվրամիության եւ ընդհանուր տարանցիկային հիմնադրույթի անդամ այլ երկրներ (ընդհանուր առմամբ՝ 36 երկիր), ինչն էլ ավելի կմեծացնի երկրի տարանցիկային հնարավորությունները եւ կնպաստի բեռնափոխադրումների անվտանգ, անխափան եւ արագ իրականացմանը:

Այցի շրջանակներում Եվրահանձնաժողովի պատվիրակության անդամները եղան Կարմիր կամուրջ մաքսային անցակետում եւ Թբիլիսիի ձեւավորման տնտեսական գոտում, որտեղ ծանոթացան նոր համակարգչացված տարանցիկային համակարգի (NCTS) ներդրման գործընթացին:

ԷԼԵԿՏՐՈՆԱՅԻՆ ՆՈՐ ՄՊԱՍԱՐԿՈՒՄ՝ ՀՈՂԱՀԱՐԿԻ ՀԱՐԿԱՏՈՒՆԵՐԻՆ



Սպասարկումից օգտվելու համար, բավական է, որ սպառողները, որոնման համակարգին համապատասխան հարթակում, գրանցեն տեղեկատվություն՝ հողի տեսակի, տեղադրավայրի, տարածքի մասին եւ սեղ-

Վրաստանի ֆինանսների նախարարության եկամուտների ծառայությունը շարունակում է հարկատուներին էլեկտրոնային նոր սպասարկումների մատուցումը եւ, հողահարկի գումարի սահմանման նպատակով, ներկայացնում է «Հողահարկի գումարի հաշվառման» էլեկտրոնային նոր սպասարկում:

մեն «Հաշվառում» կոճակը: Լրացուցիչ տեղեկատվության համար տես՝ <https://rs.ge/LandCalculator> հղումը:

Միաժամանակ նշենք, որ Վրաստանի նախարարության եկամուտների ծառայությունը հարկատուներին հիշեցնում է, որ Վրաստանի հարկային օրենսգրքով սահմանված ֆիզիկական անձանց գույքահարկի տարեկան հռչակագրի ներկայացման ժամկետը սահմանված է՝ մինչեւ նոյեմբերի 1-ը ներառյալ: Գույքահարկի (այդ թվում՝ հողահարկի) հարկատու ֆիզիկական անձինք պարտավոր են ֆիզիկական անձի գույքահարկի 2023 թվականի տարեկան (2022 թվականին ստացած եկամուտից ելնելով) հռչակագիրը ներկայաց-

նել մինչեւ ընթացիկ տարվա նոյեմբերի 1-ը ներառյալ, եւ հարկը վճարել մինչեւ նոյեմբերի 15-ը ներառյալ: Գույքահարկի վճարումը իրականացվում է միասնական գանձարկային կոդով՝ 101001000:

Մանրամասն տեղեկատվության համար այցելել՝ <https://rs.ge/LawNewsArchive?newsId=1106>
<https://rs.ge/PersonsTaxFAQ?cat=5&tab=1>
<https://bit.ly/3rYddAC>
<https://bit.ly/3QxR1Hh>

Տեսահոսքի համար՝ <https://www.youtube.com/watch?v=O0VPEQQ61LU>

Ցանկալի տեղեկատվությունը ստանալու համար՝ կարող եք օգտվել եկամուտների ծառայության «RS չափ» ծառայությունից կամ զանգել հեռախոսային կենտրոն 2299299: